

第七七五册

經濟彙編

祥刑典

盜賊部

(卷)
二三—二三

古今圖書集成

中華書局影印

古今圖書集成
目錄

卷一

古今圖書集成

中華書局影印

欽定古今圖書集成經濟彙編祥刑典

第一百十三卷目錄

盜賊部雜傳十七

明

李自成

張獻忠

祥刑典第一百十三卷

盜賊部雜傳十七

明

明外史李自成傳自成米脂人

世居懷遠堡李繼遷寨父守忠無子

麟於華山夢神告曰以破

軍星爲若子遂生自成自幼牧羊於邑大姓

艾氏及長充銀川驛役夫善騎射關很無賴數

犯法知縣晏子實捕之將置諸死脫去爲屠天

啓末魏忠賢黨喬應甲爲陝西巡撫朱童蒙爲

延綏巡撫貪黷不詰盜盜由是始崇禎元年陝

西大饑延綏缺額餉至一百三十八萬其各固

原兵劫州庫白水賊王二府谷賊王嘉引宜州

賊王左掛苗美王子順飛山虎大紅狼等一時

並反而安塞馬賊高迎祥自成舅也與饑民王

大梁聚衆應之迎祥自稱闖王大梁自稱大梁

王二年春朝議以楊鶴爲三邊總督督諸將捕

盜商洛道參政劉應遇擊斬王二王大梁督糧

道參議洪承疇擊破王左掛賊稍懼會京師

戒嚴山西巡撫耿如紀勸王兵譚而西延綏總

兵吳自勉甘肅巡撫梅之煥勸王兵亦潰與羣

盜合延綏巡撫張夢鯨以兵潰恚而死洪承疇

代之召故總兵杜文煥督延綏固原兵便宜剿

賊三年王左掛王子順苗美等戰屢敗乞降而

王嘉引掠延安慶陽間楊鶴撫之不聽從神木

渡河犯山西是時秦地所出日新餉日均輸日

開架專備諸急費其數日增吏因緣爲奸民大

困而兵科給事中劉懋建議裁驛站歲可節金

錢數十萬帝從之山陝游民仰驛糈者無所得

食俱從賊賊轉盛兵部郎中李繼貞奏曰延民

饑將盡爲盜請以帑金十萬賑之帝惜帑未發

而嘉引已襲破黃甫川清水木瓜三堡陷府谷

河曲又有神一元不沾泥可天飛郝臨菴紅軍

友點燈子李老柴混天猴獨行狼等諸賊所在

蜂起或掠秦或東入晉屠陷城堡官兵東西奔

擊賊或降或死然旋滅旋熾終莫能盡而延安

賊張獻忠亦聚衆據十八寨稱八大王四年孤

山副將曹文詔破賊河曲王嘉引遁去已復自

岳陽突犯澤潞爲左右所殺其黨共推僞左丞

王自用號紫金梁者爲魁自用結羣賊老回回

曹操八金剛掃地王射塌天閻正虎滿天星破

甲錐邢紅狼上天龍蝎子塊過天星混世王等

及迎祥獻忠共三十六營皆聚山西衆二十餘

萬自成乃與兄子過往從迎祥與獻忠等合號

闖將未有各三邊總督鶴撫賊不效被逮洪承

疇代鶴張福臻代承疇督諸將曹文詔楊嘉謨

勦賊所向克捷陝地略定而山西賊大盛剽掠

寧鄉石樓稷山聞喜河津巡撫宋統殷不能禦

五年賊分道四出連陷大寧隰州澤州壽陽諸

州縣全晉皆震動巡撫統殷罷朝議以許鼎臣

代與宣大總督張宗衡分督諸將宗衡督白安

虎大威李卑賀人龍左良玉兵八千人駐平陽

賁以平陽澤潞四十一州縣鼎臣督張應昌苟

伏威史記頗希牧艾萬年兵七千人駐汾州賁

以汾太沁遼三十八州縣賊亦轉入磨盤山分

衆爲三閭正虎據交城文水窺太原邢紅狼上

天龍據吳城窺汾州紫金梁張獻忠突沁州武

鄉陷遼州六年春官兵共進力擊紫金梁懼乞

降於故錦衣僉事張道濬約未定陽和兵襲之

賊怒敗約去會總兵曹文詔率陝西兵至借諸

將猛如虎虎大威頗希牧艾萬年張應昌等合

勦屢戰皆大克前後殺混世王滿天星姬關鎖

翻山動掌世王顯道神等破紫金梁老回回蝎

子塊張獻忠掃地王諸賊皆積年大渠其後川

將鄧玘又射殺紫金梁山西三大盜俱敗初賊

之破澤州也分其衆南踰太行掠濟源清化修

武園懷慶官軍擊之賊遁走別賊復闖入西山

大掠順德真定間詔以諸太監分監諸將軍督

戰而大名道盧象昇已力戰却賊賊遂自邢臺

摩天嶺山下抵武安敗總兵左良玉河北三府

所屬縣焚劫始徧潞王上疏告急兼請衛鳳泗

陵寢詔特遣總兵倪繼王樸率京營兵六千人

與諸將並進賊聞之欲從河內走太行曹文詔

邀擊之不敢進而羣賊敗於山西者亦奔入河北合營迎祥自成獻忠曹操老回同等俱至京兵蹙其後左良玉湯九州等扼其前與賊戰於青店於石岡於石坡於牛尾於柳泉於猛虎村賊累敗欲逸阻於河大因賊素畏曹文詒張道藩道藩先坐事戍過家巡撫檄令殺賊言官論其離伍冒功下御史馮明玘覈實改戍海寧衛去文詒轉戰秦晉河北遇賊輒大克御史復劾其驕倨調大同總兵去賊遂詭辭乞降監軍太監楊進朝信之為入奏會天塲河冰合賊突從毛家寨策馬徑渡入河南諸軍無扼河者賊遂連陷澠池伊陽盧氏三縣河南巡撫元默率諸將盛兵待之賊避弗攻竄入盧氏山中由間道直走內鄉掠鄖陽屬縣鄖陽撫治蔣允儀部兵僅七百五十人力不敵賊又分掠南陽汝寧入棗陽當陽偃湖廣巡撫唐輝斂兵守境又犯歸巴彝陵等六州縣破夔州攻廣元偃四川所在皆告急七年春朝議特設山西陝西河南湖廣四川總督專辦賊以延綏巡撫陳奇瑜新破延水關賊有威名可總督而大名道盧象昇歷戰陣知兵可鄖陽撫治詔從之於是奇瑜自均州入偕象昇擊賊進至烏林關累逐北斬數千級賊走漢南奇瑜見湖廣不足憂乃復引兵西追擊賊始賊自澠池渡河闖王高迎祥最強自成屬焉及入河南自成乃與兄子過結李牟俞彬白廣恩李雙喜顧君恩高傑等自為一軍過傑善戰君恩善謀及奇瑜兵至他賊張獻忠等奔

商維而闖王部自成等俱陷於興安之車箱峽會大雨兩月馬乏芻多死弓矢皆脫自成急用君恩計賄奇瑜左右詐降奇瑜意輕賊許之檄諸將按兵毋殺所過州縣為具稟傳送賊甫渡棧即大譟盡屠所過七州縣而略陽大賊數萬亦來會在在告警奇瑜坐削籍自是人皆知賊帥中李自成矣已洪承疇代奇瑜李喬為陝西巡撫吳姓為山西巡撫大學士溫體仁謂姓曰流賊癘疥疾勿憂也未幾西寧兵變承疇甫受命而東聞變遽返迎祥自成遂蹂躪昌平涼陘洮鳳翔諸府數十州縣敗賀人龍張天禮軍殺固原道陸夢龍圍隴州四十餘日承疇檄總兵左光先與人龍合擊大破之會朝廷亦命豫楚晉蜀兵四道入陝迎祥自成遂竄入終南山已而東出陷陳州靈寶汜水榮陽開左良玉將至移壁梅山漆水間部賊拔下蔡燒汝寧郭承疇又奉旨出關追勦給事中常自裕請益山東巡撫朱大典兵令并力賊偵知之八年正月大會於榮陽老回曹操革裏眼左金王改世王射塌天橫天王混十萬過天星九條龍順天王及迎祥獻忠共十三家七十二營議拒敵未決自成進曰匹夫猶奮死十萬眾乎官兵無能為也宜分兵定所向利鈍聽之天皆曰善乃議革裏眼左金王當川湖兵橫天王混十萬當陝兵曹操過天星扼河上級河南兵迎祥獻忠及自成等略東方老回同九條龍往來策應陝兵銳益以射塌天改世王所破城邑子女玉帛惟均衆

如自成言先是南京兵部尚書呂維祺懼賊南犯請加防鳳陽陵寢部議格不行及迎祥獻忠東下江北兵單固始霍丘俱失守賊燔壽州陷潁州知州尹夢龍州判趙士寬戰死殺故尚書張鶴鳴乘勝陷鳳陽焚皇陵留守署正朱國相等亦皆戰死事聞帝素服哭遣官告廟逮漕運都御史楊一鵬棄市而以朱大典代大徵兵討賊方是時賊猖獗甚大書職志曰古元真龍皇帝大飲合樂自成從獻忠求皇陵監小關善鼓吹者獻忠不與自成怒偕迎祥西趨歸德與曹操過天星合復入陝西而獻忠獨東下廬州承疇方馳至汝州命諸將左良玉湯九州九世威徐來朝陳永福鄧玘張應昌分扼湖廣河南鄖陽諸關隘而召曹文詒為中軍文詒未至玘以兵亂死迎祥自成從終南山出大掠富平寧州老回同張獻忠曹操蠅子塊過天星諸賊聞承疇出關先後皆走陝西焚掠西安平涼鳳翔諸府屬千里無人迹承疇亟還救分遣諸將擊老回同等而令副總兵劉成功艾萬年擊迎祥自成於寧州萬年中伏戰死曹文詒怒復擊之亦中伏死羣賊乘勝略地火照西安城中承疇力遮之涇陽三原間決死戰賊不得過於獻忠老回同等自他道轉突朱陽關守關將徐來臣軍潰死九世威中箭走羣賊皆出關分十三營東犯而迎祥自成獨留陝西時鄖陽撫治盧象昇已改湖廣巡撫晉總理直隸河南山東四川湖廣軍務矣乃詔承疇督關中象昇督關外而

迎祥自成亦分兵迎祥略武功扶風以西自成略富平固州以東承疇遣將追自成小捷至醴泉賊將高傑通於自成妻邢氏懼誅挾之來降承疇復身追自成大戰渭南臨潼自成敗東走迎祥亦屢敗東踰華陰南原絕嶺與自成偕出朱陽關合獻忠等冬十一月羣賊薄閿鄉左良玉祖寬禦之不利賊遂陷陝州進攻雒陽河南巡撫陳必謙督良玉寬救雒陽獻忠走嵩汝迎祥自成走偃師鞏縣因略魯山葉縣陷光州象昇擊敗之確山九年春迎祥自成攻廬州不拔陷含山和州殺知州黎弘業在籍御史馬如蛟等去攻滁州知州劉大鞏大僕卿李覺斯堅守不下象昇親督祖寬羅倫楊世恩等來救戰於朱龍橋賊大敗屍咽水不流北攻壽州故御史方震孺亦堅守折而西入歸籍境復爲邊將祖大樂所破走密登封故總兵湯九州戰歿賊乃分道犯南陽裕州必謙馳入南陽防禦而象昇復援裕使大樂等擊賊殺迎祥自成精銳幾盡迎祥自成遂由此分部再入陝迎祥由郿襄趨興安漢中自成由南山穿商雒走延綏犯鞏昌北境諸將左光先曹變蛟破之自成走環縣未幾官軍敗於羅家山盡亡士馬器械總兵俞翀霄被執自成勢復振進圍綏州欲東渡河山西兵遏之復西掠米脂呼知縣邊大慶曰此吾故鄉也勿虐我父老遺之金令修文廟將雙榆林渡無定河水驟長賊淹死甚衆乃改道從韓城而西時總理象昇及祖大樂祖寬等皆入援

京師而孫傳庭新除陝西巡撫銳意滅賊秋七月擊迎祥盤匿俘獻闕下磔死賊黨乃共推自成爲闔王是月犯階微未幾出汧隴犯鳳翔規渡渭河十年犯涇陽三原蝎子塊過天星俱來會傳庭督變蛟連戰七日皆克蝎子塊降自成偕過天星奔秦州入蜀陷寧羌破七盤關陷廣元總兵侯良柱戰死遂連陷昭化劍州梓潼江油黎雅青州等州縣劍州知州徐尚卿吏目李英俊昭化知縣王時化郿縣王簿張應奇金堂典史潘夢科皆死進攻成都七日不克巡撫王維章坐避賊徵十一年春官軍敗賊梓潼自成奔白水久之食盡承疇傳庭合擊於梓潼原大破之自成盡亡其卒獨與劉宗敏田見秀張霸李過李雙喜谷可成張世傑李彌昌任繼榮任繼光王虎劉文魁等十八騎潰圍走竄伏商洛山中爲小盜不敢出其年張獻忠降自成勢益衰而承疇改薊遼總督傳庭改保定總督傳庭以疾辭逮下獄二人去自成稍得安總理熊文燦方以撫自爲功謀者或報自成死矣以此益寬自成十二年夏五月獻忠反殺城自成大喜出收衆衆復大集陝西總督鄭崇儉發兵圍之今日圍師必缺自成乃乘間走突武關往依獻忠獻忠欲圖之覺遁去楊嗣昌督師奔陵檄令降自成出護語官軍圍自成於巴西魚復諸山中自成大困欲自經以養子雙喜勸而止賊將多出降劉宗敏者藍田鍛工也最驍勇亦欲降自成知之與步入叢祠顧而歎曰人言我當爲

天子蓋卜之神不吉若斷我頭以降宗敏諾遂三十三吉宗敏還殺其兩妻謂自成曰吾死從若矣軍中壯士聞之亦多殺妻子願從者自成乃盡焚輜重輕騎由郿均走河南河南大旱斛穀萬錢飢民從自成者數萬遂自南陽出攻宜陽殺知縣唐啓泰移攻永寧殺知縣武大烈戕萬安王采璽攻偃師一日而陷知縣徐日泰罵賊死時十三年十二月也自成爲人高顴深顴鷗目獨鼻聲如豺性猜忍日殺人斬足剖心爲戲所過民皆保塢堡不下杞縣舉人李信者逆案中李精白子也嘗出粟賑飢民民德之曰李公子活我會繩枝紅娘子反擄信強委身焉信逃歸官以爲賊囚獄中紅娘子來救飢民應之共出信盧氏舉人牛金星磨勒被斥私入自成軍爲主謀議潛歸事洩坐斬已得未減二人皆往投自成自成大喜改信名曰巖金星又薦十者宋獻策獻策長三尺餘上識記云十八子主神器自成大悅巖因說曰取天下以人心爲本請勿殺人收天下心自成從之屠戮爲減又散所掠財物賑飢民民受餉者不辨巖自成也雜呼曰李公子活我最復造謠詞曰迎闔王不納糧使兒童歌之以相煽動民方被勦餉練餉之害從自成者日衆矣十四年正月攻河南總兵王紹萬步卒勾賊城遂陷福王常洵遇害自成兵洵王血雜醢嘗之名福祿酒王世子由松祿而跳自成發王邸金賑飢民以府吏邵時昌爲總理守河南而移攻開封時昌尋代誅是時張

獻忠亦陷襄陽狀襄王翊銘王開封者周王恭榜聞賊至急發庫金募死士與巡撫都御史高名衡等固守自成攻七晝夜解去屠密縣賊魁羅汝才及土寇袁時中皆歸自成時中有衆二十萬號小袁營汝才即曹操與張獻忠同降復叛去者也初自成在羣賊中爲高迎祥裨將再入關始別將一部然屢敗至是勢大盛諸宿賊皆畏之丁啓睿爲督師避不敢擊擊獻忠獻忠敗亦奔自成自成欲修前怨獻忠復去當此之時帝憂自成甚特以故尚書傅宗龍爲陝西總督使專辦自成而別敕保定總督楊文岳會師宗龍馳入關與巡撫汪喬年調兵兵已發盡乃檄河南大將李國奇賀人龍兵隸部下亟出關文岳亦率虎大威軍俱至新蔡與自成遇人龍卒先奔國奇大威繼之宗龍文岳以親軍築壘自固夜文岳兵潰奔陳州宗龍與賊持數日食盡突圍走被執死自成陷葉縣殺副將劉國能遂圍左良玉於鄖城汪喬年代宗龍總督出關次襄成自成盡銳攻之喬年與副將李萬慶皆死自成剿別諸生百九十人遂乘勝陷南陽鄧州等十四城再圍開封巡撫名衡總兵陳永福力拒守射中自成目砲殪上天龍等自成益怒自成每攻城不用古梯衝法專取甌甌爲首功得一甌即歸營臥後者必斬取甌已即穿穴穴城初僅容一人漸至百十次第傳土以出過三五步留一土柱繫以巨絙穿畢萬人曳絙一呼而柱折城崩矣巡撫名衡於城上鑿橫道聽其

下有聲用毒穢薰灌之多死賊乃即城壞處用火攻法實藥甕中火然藥發當者輒糜碎名曰放迸十五年二月城半圯賊用放迸法攻之鐵騎數千馳諜伺城頽即擁入城城故未汴都金人所重築也厚數丈土堅火迸皆外擊賊騎多殲自成駭而去南陷西華尋屠陳州副使開未傑知州侯君耀皆罵賊死歸德睢州寧陵太康數十郡縣悉殘燬商丘知縣梁以樟創死復甦全家殲焉已復攻開封築長圍爲持久計詔起孫傳庭爲總督而釋放尚書侯恂督師使召左良玉援開封良玉至朱仙鎮遇自成大敗奔襄陽諸軍皆屯河北不敢進開封食盡山東總兵劉澤清亦奉詔至廷議築甬道輸糧入城自成攻之甬道不就賊衆亦飢羅汝才欲他徙自成不聽傳庭知開封急大會諸將西安亟出關來救未至名衡等議決朱家寨口河灌賊賊亦決馬家口河欲灌城秋九月癸未天大雨二口並決聲如雷潰北門入穿東南門出注渦水城中百萬戶皆沒得脫者惟周王妃世子及撫按以下不及二萬人而已賊亦漂沒萬餘乃拔營西南去於是馬守應賀一龍賀錦劉希堯蘭養成等皆附自成即賊魁所稱老回回革裏眼左金王及爭世王亂世王者時號革左五營自成乃西迎傳庭兵遇於南陽傳庭軍潰走豫人所謂柿園之敗也是時

兵虎大威中砲死楊文岳被殺自成乃脅崇王由橫使從軍遂由確山信陽泌陽向襄陽左良玉望風南走自成入襄陽分徇屬城及德安諸州縣皆下再破彝陵荊門州自成自攻荊州湘陰王儼鈔遇害燒獻陵木城穿燬宮殿十六年春陷承天將發獻陵有聲震山谷懼而止旁掠潛山京山雲夢黃陂孝感等州縣皆下先驅偪漢陽良玉走九江攻鄖陽撫治都御史徐起元及王光恩力守不下王光恩賊及正者也始自成自號奉天倡義大元帥號羅汝才代天撫民威德大將軍分其衆曰標營領兵百餘曰先後左右營各領兵三千餘除標營白幟黑幟自成獨白幟大鸞銀浮屠左營幟白右緋前黑後黃鸞隨其色五營以序直晝夜次第休息巡徼嚴密逃者謂之落草疎之收男子十五以上四十以下者爲兵精兵一人主芻蕘械執糴者十人軍令不得藏曰金過城邑不得室處妻子外不得攜他婦人寢與悉用單布幕絲甲厚百層矢礮不能入一兵倖馬三四匹冬則以菰蔴藉其蹠剖人腹爲馬槽以飼馬馬見人輒鋸牙思噬若虎豹軍止即出較騎射曰站隊夜四鼓聲食以聽令所過崇岡峻坂騰馬直上水惟憚黃河若淮泗涇渭則萬衆翹足馬背或抱轡緣尾呼風而前馬蹏所壅閼水爲不流臨陣列馬三萬名三堵牆前者返顧後者殺之戰人不勝馬兵伴敗誘官兵步卒長鎗三萬擊刺如飛馬兵回擊無不大勝攻城迎降者不殺守一日殺十之三

二日殺十之七三日屠之凡殺人束諸屍爲燎謂之打亮城將陷步兵萬人環堞下馬兵巡微張獻忠至殘忍矣所攻城一門陷則一門可逃自成所破無噍類諸營較所獲馬騾者上賞弓矢鉛銃者次之幣帛又次之珠玉爲下自成不好酒色脫粟粗糲與其下共甘苦汝才妻妾數十被服絢綺帳下女樂數部厚自奉養自成嘗囑部之汝才衆數十萬用山西舉人吉珪爲謀主自成善攻汝才善戰兩人相須若左右手自成下宛葉克梁宋兵強士附有專制心顧獨汝才不下己賀一龍頗與汝才善自成召一龍宴縛之晨以二十騎斬汝才於帳中悉兼其衆自成在中州所略城輒焚毀之及渡漢江謀以荆襄爲根本改襄陽曰襄京修襄王宮殿居之改禹州曰均平府承天府曰揚武州他府縣多所更易牛金星教以冊官爵名號大行署置自成無子兄子過及妻弟高一功迭居左右親信用事田見秀劉宗敏爲權將軍李巖賀錦劉芳亮劉希堯袁宗第爲制將軍張鼎党守素辛恩志李友劉汝魁爲威武將軍谷可成任維榮吳汝義馬世耀白鳴鶴劉體仁謝君友田虎張能馬重禧爲果毅將軍凡五營二十二將又置上相左輔右弼六政府侍郎郎中從事等官要地設防禦使府曰尹州曰牧縣曰令封崇王由楨襄陽伯邵陵王在城襄陽伯保寧王紹玘宣城伯肅寧王術授順義伯以張國紳爲上相牛金星爲左輔來儀爲右弼國紳安定人嘗官參政

既降獻文翔鳳妻鄧氏以媚自成自成惡其傷同類殺之而歸鄧氏於其家六政府侍郎刻石首喻上猷江陵蕭應坤招遠楊永裕米脂李振聲江陵鄧巖忠西安姚錫引尋以宣城丘之陶代振聲爲兵政府侍郎其餘受僞職者甚衆不具載使高一功馮雄守襄陽任繼光守荊州閻養威牛萬才守彝陵王文曜守澧州白旺守安陸蕭雲林守荊門謝應龍守漢川周鳳梧守禹州於是河南湖廣江北諸賊莫不聽命自成既殺汝才一龍又襲殺養威奪守應兵擊殺袁時中於杞縣張獻忠方據武昌自成遣使賀且脅之曰老回回已降曹操輩誅死行及汝矣獻忠大懼南入長沙當是時十三家七十二營諸大賊降死殆盡惟自成獻忠存而自成獨勁遂自稱曰新順王集牛金星等議兵所向金星請先取河北直走京師楊永裕請下金陵斷燕都糧道從事顧君恩曰金陵居下流事雖濟失之緩直走京師不勝退安所歸失之急關中大王桑梓邦也百二山河得天下三分之二宜先取之建立基業然後旁略三邊資其兵力攻取山西後向京師庶幾進戰退守萬全無失自成從之孫傳庭之敗於柿園而歸陝也大治兵制火車二萬輛募壯士使白廣恩高傑將欲俟賊飢而擊之朝議曰督戰不得已出關以牛成盧光祖爲前鋒由靈寶入洛高傑爲中軍撤廣恩從新安來會河南將陳永福守新灘四川將秦翼明出商洛爲特角前鋒敗賊渾池至寶豐再却自

成兵拔其城次邠自成率萬騎還戰復大敗幾被禽會天大雨道渾糧車不進自成遣輕騎出汝州白沙州要截糧道傳庭乃分軍三命廣恩從大道身與高傑從間道迎糧而令永福守營傳庭既行永福兵亦爭發不可禁遂爲賊所躡至南陽傳庭還戰賊陣五重官軍克其三已而稍却火車奔騎兵亦大奔賊縱鐵騎踐之傳庭大敗自成空壁逐利一日夜踰四百里官軍死者四萬餘人失亡兵器輜重數十萬傳庭奔河北轉趨潼關氣敗沮不復振冬十月自成陷潼關傳庭死遂破華陰渭南連破華商臨潼攻西安守將王根子開東門納賊自成入秦王宮執秦王存樞以爲權將軍永壽王誼侃爲制將軍巡撫馮師孔以下死者十餘人布政使陸之祺等俱降自成大掠三日下令禁止改西安曰長安稱西京賜顧君恩女樂一部賞入關策也大發民修長安城開馳道問兵渭橋鉦鼓震天地自成每三日親赴教場校射百姓望見黃龍繡威伏地呼萬歲諸將白廣恩高傑利陳永福左光先梁甫先後皆降惟高傑以竊自成妻故走延安爲李過所追折而東渡宜川河絕蒲津以守自成兵所至屬城風靡乃詣米脂祭墓向爲官軍所發焚棄其遺骸自成乃築土封之求其宗人贈金封爵以去改延安府曰天保府米脂曰天保縣清澗曰天波府鳳翔不下屠之始自成入陝西自謂故鄉母有侵暴未一月鈔掠如故又以士大夫必不附己悉索諸薦紳掠掠徵

其金死者瘞一穴榆林尚死守李過等不能克自成發兵攻陷之副使都任總兵王世國尤世威等俱不屈死乘勝臨寧夏降之屠慶陽執韓王稟略移攻蘭州甘肅巡撫林日瑞等亦死進陷西寧於是肅州山丹永昌鎮番莊浪皆降陝西地悉歸自成矣自成又別遣賊渡河臨平陽殺宗室三百餘人高傑奔澤州詔以余應桂總督三邊收邊兵勦賊然陝境已盡沒應桂不能進十七年正月庚寅朔自成稱王於西安僭國號曰大順改元永昌改名自晟追尊其曾祖以下加諡號以李繼遷為太祖設天祐殿大學士以牛金星為之增置六政府尚書設弘文館文諭院諫議直指使從政統會尚契司驗馬寺知政使書寫房等官以乾州宋企郊為吏政尚書平湖陸之祺為戶政尚書真寧鞏煒為禮政尚書歸安張璘然為兵政尚書復五等爵大封功臣侯劉宗敏以下九人伯劉體純以下七十二人子三十人男五十五人定軍制有一馬僂行列者斬之馬騰入田苗者斬之籍步兵四十萬馬兵六十萬兵政侍郎楊王休為都肆出橫門至渭橋金鼓動地令弘文館學士李化麟等草檄馳諭遠近指斥乘輿是日大風霾黃霧四塞事聞帝大驚召廷臣議大學士李建泰請督師帝許之時山西自平陽陷河津稷山榮河亦陷他府縣多望風送款二月自成渡河破汾州徇河曲靜樂攻太原執晉王巡撫蔡懋德死北徇忻代寧武總兵周遇吉戰死自成乃先遣游

兵入故關掠大名真定而北而身率眾並邊東犯京師陷大同巡撫衛景瑗總兵朱三樂死自成殺代藩宗室殆盡犯宣府總兵姜瓖迎降巡撫朱之馮死遂犯陽和從柳溝以逼居庸總兵唐通太監杜之秩迎降三月十三日焚昌平總兵李守鐸死始賊欲知京師虛實往往遣其徒輦重貨賈販都市又令充部院諸掾吏探刺機密朝廷有謀議數千里立馳報反至昌平兵部發騎探賊賊黨輒勾之降無一還者賊游騎至平則門京師士民猶不知也十七日帝召問羣臣莫對有泣者俄頃賊環攻九門門外先設三大營悉降賊京師久乏餉乘陣人少益以內侍內侍專守城事百司不敢問十八日賊攻益急自成駐彰義門外遣降賊太監杜勳繼入見帝求禪位帝怒叱之下詔親征日暝太監曹化淳開彰義門賊盡入帝出宮登煤山望烽火徹天歎息曰苦我民耳徘徊久之歸乾清宮令送太子及永王定王於戚臣周奎田弘遇第劍擊長公主趣皇后自盡十九日丁未天未明星城不守鳴鐘集百官無至者乃復登煤山書衣襟為遺詔以帛自縊於山亭帝遂崩太監王承恩繼於側自成斂笠縹衣乘馬駁馬入承天門僞丞相牛金星尚書宋企郊諭上欲侍郎黎志陞張麟孫等騎而從登皇極殿據御座下令大索帝后期百官三日朝見文臣自范景文勳戚自劉文炳以下殉節者四十餘人宮女魏氏投御河從者二百餘人象房象皆哀吼流淚太子投周

奎家不得入二王亦不能匿先後擁至皆不屈自成羈之宮中長公主絕而復甦昇至令賊劉宗敏療治已乃知帝崩自命以宮扉載出盛柳棺至東華門外百姓過者皆掩泣越三日己酉昧爽成國公朱純臣大學士魏藻德率文武百官入賀皆素服坐殿前自成不出羣賊爭戲侮為椎背脫帽或舉足加頸相笑樂百官備伏不敢動太監王德化叱諸臣曰國亡君喪若曹不思殯先帝乃在此邪因哭內侍數十人皆哭藻德等亦哭顧君恩以告自成改殯帝用袞冕禕翟加葦殿云大學士陳演勸進不許封太子為宋王放刑部錦衣衛繫囚自成自居西安建置官吏至是益盡改官制六部曰六政府司官曰從事六科曰諫議十三道曰直指使翰林院曰弘文館太僕寺曰驗馬寺巡撫曰節度使兵備曰防禦使知府曰府尹知州曰州牧知縣曰縣令召見朝官自成南嚮坐金星宗敏企郊等左右雜坐以次呼召自成親選七十二人金星復選二十七人分三等授職自四品以下少詹事梁紹陽楊觀光等無不汚偽命三品上大臣悉不用獨用故侍郎侯恂其餘勳戚文武諸臣奎純臣演藻德等共八百餘人送宗敏軍營中拷掠責賂路至灼肉折脛備諸慘毒藻德遇馬世奇家人而泣曰吾不能為若主今求死不得矣賊又編排甲令五家養一賊大縱淫掠民不勝毒縊死相望徵諸勳戚大臣金足足輒殺之平則門外偽禮政府輦煒焚太廟神主遷太

祖主於帝王廟時別賊已陷保定李建泰降畿內諸府縣悉附山東河南偏設官吏所至無違者及河淮撫路振飛發兵扼之乃去自成謂真得天命金星率賊黨三表勸進自成從之令撰登極儀詎吉日既而自成升御座忽見白衣人長數丈手劍怒視座下龍爪鬚俱動自成恐亟下鑄金璽及未昌錢又不就及聞山海關總兵吳三桂兵起乃謀歸陝西初三桂奉詔撤還至山海關聞京師陷猶豫不進自成劫其父襄作書招之三桂欲降至灤州聞愛姬陳沅被劉宗敏掠去憤甚疾歸山海再襲破賊將自成怒親部賊十餘萬執吳襄於軍東攻山海關而別將從一片石趣關外三桂懼不敵乞降於我

大清四月二十二日自成兵二十萬陣於關內自北山互海我

兵對賊置陣三桂居右翼末悉銳卒搏戰殺賊數千人賊亦力鬪圍開復合戰良久

大清兵從三桂陣右突出衝賊中堅萬馬騰躍飛矢雨墮天大風沙石飛走擊賊如電自成方挾太子登高岡觀戰知爲我

兵急策馬下岡走我

兵追奔四十里賊衆大潰自相踐踏死者無算僵屍徧野溝水盡亦自成奔未平我

兵逐之三桂先驅至未平自成殺吳襄奔還京師時牛金星居守諸降人往謁執門生禮甚恭金星曰訛言方起諸君宜簡出由是降者始懼多竄伏矣自成至悉鎔所拷索金銀及官中帑藏

器皿鑄爲餅餅千金約數萬餅驛車載歸西安二十九日丙戌僭帝號於武英殿追尊七代皆爲帝后立妻高氏爲皇后自成被弑列仗受朝金星代行郊天禮是夕焚宮殿及九門城樓詰旦挾太子二王西走而使僞將軍左光先谷可成殿五月二日

大清兵入京師下令安輯百姓爲帝后發喪議號而遣將偕三桂追自成時福王已監國南京大學士史可法督師討賊自成至定州

大清兵及之與戰斬谷可成左光先傷足賊負而逃自成西走真定益發衆來攻

大兵復擊之賊不能支漸却自成中流矢創甚西踰故關入山西會

大兵東返自成乃得鳩合潰散西走平陽李巖者

故勸自成以不殺收人心者也在京師居周奎第而劉宗敏居田弘遇第宗敏日殺人嚴於士大夫無所拷掠宋獻策密說十八子之識得母爲公乎巖不應心竊自喜牛金星大忌之定州

之敗河南州縣多反正自成召諸將議巖曰誠與臣精卒二萬至中州必無敢動者金星陰告

自成曰巖雄武有大略非能久下人者今見國兵新敗欲竊兵自王河南嚴故鄉以大兵予之

必不制矣因譖巖欲反自成令金星與巖飲而殺之并及其弟半賊衆俱解體自成歸西安復

遣賊陷漢中降總兵趙光遠進略保寧張獻忠固守乃還八月建祖廟廟成將往祀忽寒慄不

能就禮自成始以巖金星言詐爲仁義既屢敗

復強很自用僞尚書張第元耿始然皆以小件死制網鎮官吏坐跡即鎮斬民盜一難者死西人盡警懼是年張獻忠亦陷成都自號西王順治二年二月

大清兵攻潼關僞伯馬世耀以六十萬衆迎戰敗死潼關破自成遂棄西安由龍駒寨走武岡入襄陽復走武昌

大清兵兩道追躡連覺之鄧州承天德安武昌富池口桑家口九江降者撫拒者誅窮追至賊老營

大破之者八當是時左良玉東下武昌虛無人自成屯五十餘日賊將劉宗敏賀錦李固高一

功田見秀袁宗第劉體純劉芳亮張鼎吳從義牛萬才等皆從之衆尚五十餘萬改江夏曰瑞符縣尋爲我

兵所追部衆多降或逃散自成走延寧蒲圻至通城竄於九官山秋九月自成畱李過守寨而自率二十騎略食山中爲村民所困不能脫自縊死或曰村民方築堡見賊少爭前擊之人馬俱

陷泥淖中自成腦中鉏死剝其衣得龍衣金印

眇一目村民乃大驚疑爲自成也時我

兵遣識自成者驗其尸朽莫辨獲自成兩從父僞趙侯僞襄陽侯及自成妻妾二人金印一又獲

僞汝侯劉宗敏僞總兵左光先僞軍師宋獻策斬自成從父及宗敏於軍牛金星宋企鵠等皆

遁亡而太子二王自自成敗挾而西卒不知其所終福王時有太子至南都或曰眞或曰僞云

當自成之死福王已降其所置總督何騰蛟飛

章上福建告捷於唐王自成兄子過改名錦偕諸賊帥奉高氏降於騰蛟唐王賜錦名赤心封高氏忠義夫人號其軍曰忠貞營諱騰蛟麾下末明王時赤心封與國侯尋死

張獻忠傳獻忠延安衛柳樹洞人也生與李自成同歲長從軍諱延綏總兵王威麾下犯法當斬他將陳洪範奇其狀貌為請威釋之已乃逃去崇禎三年陝西賊大起王嘉引據府谷西陷河曲獻忠以米脂十八寨應之自號八大王明年嘉引死其黨紫金梁復聚眾三十六營獻忠偕闖王曹操老回同等皆為之魁其冬洪承疇為總督獻忠及曹操皆就撫已而皆叛入山西偕羣賊焚掠諸州縣紫金梁之乞降也獻忠五營獨不受命紫金梁既叛約獻忠復與合尋復偕羣賊擾河北又偕渡河自是陝西河南湖廣四川江北數千里地皆被蹂躪當此之時賊渠率眾莫適為主遇官軍人自為鬪勝則爭進敗則獸散竄山谷不相顧官軍止尾賊追殺亦不能定所逐何賊也賊或分或合東西奔突勢日強盛八年十三家會榮陽議敵官軍老回回欲北渡獻忠嗤之老回回怒李自成為解乃定議事詳自成傳獻忠始與高迎祥並起比肩作賊最久而自成乃迎祥偏裨及是遂相頡頏與俱東掠連破河南江北諸縣皇陵悉燼已而自成迎祥徑去獻忠獨東圍廬州舒城俱不下攻城城襲陷廬江屠戮無為潛山太湖宿松諸城應天巡撫張國維禦之獻忠從英霍道廬城合

老回回等入關過商州會迎祥於鳳翔已復出商洛屯靈寶以待迎祥迎祥至則合兵復東總兵左良玉祖寬擊之獻忠與迎祥分道走寬追獻忠戰於嵩縣及九阜山圯料鎮三戰皆克俘斬甚眾獻忠恚再合迎祥眾還戰復大敗迎祥尋與自成入陝西而老回回曹操諸賊各盤踞鄖陽商洛山中不能救獻忠亦遁山中明年秋總督盧象昇去苗胙土巡撫湖廣不習兵於是獻忠自均州老回回自新野蝎子塊自唐縣俱犯襄陽眾二十餘萬總兵秦翼明兵少不能遏湖廣震動獻忠因糾曹操老回回闖塌天諸賊順流東下與江北賊曹襄眼左金王合烽火達淮陽南京兵部尚書范景文操江都御史王道直總兵楊御蕃分汛固守安池道副使史可法親率兵當賊衝賊遂從間道犯安慶連營百里巡撫國維告急詔左良玉馬燭劉良佐合兵救之比戰皆大破賊賊走潛山之天王古寨國維檄良玉搜山良玉不應尋北去賊復出太湖連斬黃諸賊敗官軍於鄞家店殺參將程龍陳子王等四十餘人會總兵牟文綬偕良佐來救復破賊賊始遁獻忠等俱入湖廣當是時河南湖廣賊十五家惟獻忠最狡黠驍勐次則曹操獻忠嘗偽為官兵欲給宛城左良玉適至獻忠倉皇走前鋒羅岱射之中額良玉馬亦及刃拂獻忠面馬馳以免會熊文燦為總理刊檄撫賊闖塌天者本名劉國能與獻忠有郤詁文燦降獻忠創甚不能戰心內恐十一年春偵陳洪範隸

總理麾下為總兵大喜因遣間齎重幣獻洪範曰獻忠豪公大恩得毋死公豈忘之邪願率所部降以自效洪範亦喜為告文燦受其降巡按御史林銘球分巡道王瑞椿與良玉謀俟獻忠至而執之文燦不可乃止獻忠遂據穀城請十萬人餉文燦不敢決時羣賊皆聚南陽屠掠旁州縣文燦赴裕州益大發檄撫賊久之曹操以戰敗乞降於太和山太監李繼改明年射塌天混十萬過天星關索王光恩等十三家渠帥先後俱降而陝西總督洪承疇巡撫孫傳庭復大破李自成自成竄靖函山中朝廷皆謂賊撲窮殆盡矣獻忠在穀城訓卒治甲仗者頗疑其欲反帝方信兵部尚書楊嗣昌言謂文燦能辦賊不復憂也夏五月獻忠殺知縣阮之錫以叛墮穀城進陷房縣合曹操兵殺知縣郝景春十三家降賊一時並叛惟王光恩不從獻忠去房縣左良玉追擊之羅岱為前鋒至羅漢山中伏岱死良玉大敗嗣昌已拜大學士乃自請督師帝大悅十月朔嗣昌至襄陽集諸將議進兵時羣賊大掠草裏眼左金王犯隨應麻黃與官軍相持而曹操過天星竄伏漳房興遠獻忠踞湖廣四川界將西犯嗣昌視東略稍緩乃宿輜重襄陽濬淦築城甚固而令良玉專力勦獻忠十三年閏正月良玉擊賊枞枞關獻忠走追至瑪瑙山賊據山拒敵良玉先登賀人龍李國奇夾擊大敗之斬首千三百餘級擒獻忠妻妾湖廣將張應元汪之鳳追敗之水右壩川將張令方

國安又邀擊於岔溪再捷獻忠奔柯家坪張令逐北深入被圍應元之鳳救之復破賊獻忠率千餘騎竄歸山中勢大窮蹙初良王之進兵也與嗣昌議不合獻忠遣間說良王良王乃圍而弗攻獻忠因得與山民市鹽芻米酪收潰散掩旗息鼓益西走白羊山時曹操過天星從寧昌窺大昌巫山欲渡江爲官兵所扼獻忠遂與之合獻忠雖累敗氣益盛立馬江岸有不前赴者輒誅之賊爭死鬪官兵退走賊畢渡屯萬頃山歸巫大震已而曹操過天星犯開縣不利曹操東走過天星復執開縣而西諸將往往復追逐獻忠乃悉衆攻湖廣兵於土地嶺副將潘之鳳戰死遂陷大昌進屯開縣張令戰死石柱女土司秦良王亦敗曹操復自東至與獻忠轉趨達州川撫邵捷春退扼涪江賊北陷劍州將入漢中總兵趙光遠賀人龍守陽平百丈賊不得過乃復走巴西降將張一川張載福被殺涪江師潰捷春論死獻忠屠緜州越成都陷瀘州北渡陷永州走漢川德陽入巴州又自巴走達州復至開縣先是嗣昌聞賊入川進駐重慶監軍萬元吉曰賊或東突不可無備宜分中軍問道出梓潼扼歸路嗣昌不聽擬令諸將盡赴瀘州躡賊十四年正月總兵猛如虎參將劉士傑及之開縣之黃陵城賊還戰官軍大敗士傑及游擊郭開等皆死獻忠遂東出使曹操拒鄧撫袁繼成兵而自率輕騎一日夜馳三百里殺督師使者於道取軍符給襄陽城襄陽人未知敗問

合符信遂啓關納之城陷獻忠縛襄王翊銘置堂下屬之酒曰我欲借王頭使楊嗣昌以陷藩誅王其努力盡此酒遂殺之又殺鄧襄道張克儉推官鄭曰廣復得其所失妻妾獻忠居襄陽二日去陷樊城當陽鄭復合曹操入光州殘商城羅山息縣信陽固始分軍犯茶山應城陷隨州爲張良玉轍入泌陽再攻應山不克去攻鄧陽守將王光恩力戰始解又拔鄧西羣盜附者萬計遂東略地獻忠自瑪瑙山之敗心畏良玉及屢勝頗有驕色秋八月良玉追擊之信陽大破之降賊衆數萬獻忠傷於股乘夜東奔良玉急追之會大雨江溢道絕官軍不能進獻忠走免已復出商城將向英山又爲副將王允成所破衆道散且盡所從止數十騎時曹操已先與自成合獻忠遂因以投自成自成欲部曲遇之獻忠不從自成欲殺之曹操諫曰留之使擾漢南分官軍兵力不亦可乎陰與獻忠五百騎曰急東走此地非若所當留也獻忠去道糾土賊一斗殺瓦礫子等衆復盛然猶伴推自成先是革裏眼左金王陷合巢潛山諸縣欲西合獻忠爲湖廣官兵所遮不得達及汴圍急督師丁啓睿及左良玉皆援汴去獻忠乘間陷亳州入英霍山中與革裏眼左金王相見皆大喜明年合攻舒城陷之又陷六安掠州民益軍陷廬州知府鄭履祥死尋陷無爲廬江習水師於巢湖太監盧九德以總兵黃得功劉良佐之兵與戰夾山敗績江南大震鳳陽總督高斗光安慶巡撫

鄭二陽逮治詔起馬士英代斗光其秋得功良佐大破賊於潛山獻忠腹心婦暨盡走斬水革裏眼左金王北投自成已獻忠復襲陷大湖會良玉避自成東下盡撤湖廣兵自從獻忠聞之又襲陷黃梅十六年春連陷廣濟蕪州蘄水入黃州黃民盡逃乃驅婦女剽城尋殺之以填塹麻城人湯志者大姓奴也殺諸生六十人以城降賊獻忠乃改麻城爲州又西陷漢陽全軍從鴨蛋洲渡陷武昌執楚王華奎籠而沈諸江盡殺楚宗室錄男子二十以下十五以上爲兵餘皆殺之自鸚鵡洲至道士洪浮崗蔽江踰月人脂厚累寸魚鼈不可食獻忠既陷武昌欲僭號乃改武昌曰天授府江夏曰上江縣據楚王第鑄西王之寶僞設尚書都督巡撫等官開科取士以興國州柯陳兩姓土官悍勇招之降題詩黃鶴樓令其下屬和發楚邸金賑飢民斬黃等二十一州縣悉附李自成在襄陽聞之忌且怒貽書譴責而左良玉兵復西上僞官吏多被擒殺獻忠乃悉衆趨岳州長沙於是監軍道王瓚沔陽知州章曠武昌生員程天一白雲寨長易道三皆起兵討賊斬黃漢陽三府皆反正獻忠遂陷咸寧蒲圻岳州巡撫李乾德總兵孔希貴等據陳陵磯拒戰三戰三克殲其前部獻忠怒百道並進乾德等不支皆走岳州陷獻忠欲渡洞庭湖卜於神不吉投琰而詢將渡風大作獻忠怒連巨舟千艘載婦女焚之水火夜如晝繼而逼長沙巡按劉熙祚奉吉王惠王走衡州

總兵尹先民降長沙陷尋破衡州吉王惠王桂王俱走永州乃折桂王府殿材載至長沙造偽殿而自追三王於未照祚命中軍護三王入廣西身入未死守城陷見殺又陷寶慶常德發故督師楊嗣昌祖墓斬其屍見血欲攻辰州土司寨辰龍乃止移攻道州守備沈至緒戰歿其女再戰奪父屍還城獲全遂東犯江西陷吉安袁州建昌撫州永新安福萬載南豐諸府縣廣東南韶屬城官民盡逃賊有獻計取吳越者獻忠忌良王在不聽決策入川中十七年春陷夔州至萬縣水漲雷屯三月已破涪州敗守道劉麟長總兵曹英兵進陷佛圖關破重慶瑞王常浩遇害是日天無雲而雷賊有震者獻忠怒發巨砲與天角遂進陷成都蜀王至澍率妃夫人以下投於井巡撫陳士奇被殺是時我

大清兵已定京師李自成遁歸西安南京諸臣尊立福王命故大學士王應熊督川湖軍事兵力弱不能討賊獻忠遂僭號大西國王改元大順冬十一月庚寅即偽位以蜀王府為官名成都曰西京用汪兆麟為左丞相嚴錫命為右丞相設六部五軍都督府等官王國麟江鼎鎮龔先敬等為尚書養子孫可望艾能奇劉文秀李定國等皆為將軍賜姓張氏分徇諸府州縣悉陷之保寧順慶先已降自成置官吏獻忠悉逐去自成發兵攻不克遂據有全蜀惟遵義一郡及黎州土司馬金堅守不下獻忠黃面長身虎額人號黃虎性狡諂嗜殺一日不睹流血輒惶惶不

樂詭開科取士集於青羊宮盡殺之筆墨成坵塚坑成都民於中圍殺各衛籍軍九十八萬又遣四將軍分屠各府縣名草殺偽官朝會拜伏呼鑿數十下殿鑿所縣者引出斬之名天殺又創生剝人法皮未去而先絕者刑者抵死將卒以殺人多少叙功次共殺男女六萬萬有奇賊將有不忍至縊死者偽都督張君用王明等數十人皆坐殺人少剝皮死并屠其家督川中士大夫使授偽職叙州布政使尹仲廣元給事中吳宇英不屈死諸受職者後亦皆見殺其慘虐不仁人所不能測也用法移錦江涸而關之深數丈埋金寶億萬計然後決堤放流名錮金曰無為後人有也當是時會英李占春于大海王祥楊展曹助等義兵並起故獻忠誅殺益毒川中民盡乃謀窺西安

順治二年李自成死三年獻忠盡焚成都宮殿廬舍鎗其城率眾出川北又欲盡殺川兵偽將劉進忠故統川兵聞之率一軍逃會我

大清兵至漢中進忠遂乞降為鄉導至鹽亭界是日大霧獻忠馳行至鳳凰坡

大兵射之墜馬遂死川中自遭獻忠亂列城內雜樹成拱狗食人肉鋸牙若猛獸虎豹日鬻人死輒棄去不盡食也民逃深山中草木食久偏體皆生毛可望能奇文秀定國等潰入川南殺會英李乾德等後皆降於永明王
春明夢餘錄聞賊李自成陝西米脂縣雙泉堡人鄉中號為闖跽戶因負本鄉艾同知應甲之

債逼勒為寇其家有族眾數十口於己巳年投入苗眉左掛一時並起者則有八大王張獻忠曹操羅汝才等發難秦中後闖竄入西川窮去苗地戊寅赤身逃回奔往楚山時獻忠等九股俱在房竹山中闖求附獻忠獻忠不許且欲加以鞭朴又在竹溪欲謀殺闖闖乃遁去庚辰獻忠奔蜀大兵西追闖又招集亡命百餘人潛渡入豫計取雒陽獻忠破襄陽尋亦向豫與闖合股辛巳六月闖獻忠不相容曹亦與獻忠不合於是獻忠仍奔鄖西闖曹從東南而下嗣後秦保之兵一敗於襄陽再敗於火燒店而闖之聲勢始大維時督臣丁啓睿分勦獻忠追至洵陽獻忠大敗僅帶百餘人折回東走求附革左革左忌不與合獻忠懼因詐死潛匿深山以避勦追督臣星馳援豫而賊勢已自燎原矣又汴城一守鄆城一戰賊眾折傷過半方欲窮遁適秦兵又敗於襄城賊得資其甲馬火砲乘勢復破歸德圍汴梁不意我師水波敗績汴城水淹而斬黃之寇為禁兵殺敗又復來與闖合時為賊目者則有革裏眼賀一龍老回回馬守應爭世王賀錦治世王劉希堯胡蘭蘭養成諸賊俱願為闖偏將惟老回革則各居一部然一切軍事亦聽令於闖回革勢雖異閭閻情實厚曹闖甚忌焉闖所親信者河南寶豐舉人牛金星及其破襄陽下荊州闖令回賊守夷陵州以犯遭常革賊走德安以窺黃麻革在黃陂阻水不能前行止收得左鎮殘兵八百而回及其歸也革先見曹

聞益恨之卒未三月初七日設酒以邀曹革曹疑而不來革酒後爲闖所縛初八日五鼓即統兵薄曹營曹賊無備亦爲闖所殺其下頭目俱分與各僞將回賊授僞末輔管英武將軍與以四十八兩金印回嫌少不受乃自長宜渡江截得川船客銀十三萬闖索之止與三萬四千兩闖怒及回在澧聞曹革之變闖屢調帶兵回襄回畏而不來獻忠賊遂乘機取武昌黃州闖移書與獻忠欲其附己獻忠亦卑辭以答求其彼此照應時楚豫被流毒城多不守賊渡漢長驅至荆見所在並無一兵乃撥入城守先守荆襄再守承德漸及汝南其守兵以豫人之差弱者充之多不能對壘而我從未有以一兵進一步以圖恢復者賊設僞官於荊州不過防禦使府尹州牧縣令四等黨羽尚少至癸未元旦欽天監博士楊承裕山東招遠人投闖自薦通曉天文地理闖甚信之更爲設六政府建侍郎中從事等官遍挾陷營之紳衿分任其事一切示諭批發俱出承裕之手授承裕爲僞禮政府侍郎其各府州縣又增設府同理刑州判縣佐等官俱質其父母妻子使之受事始僭稱僞號改僞元甲申正月攻潼關秦督孫傳庭敗績二月初八日太原陷巡撫蔡懋德死之二十二日寧武陷總兵周遇吉戰死三月初一日大同道鎮迎降巡撫衛景瑗不屈死道臣朱家仕與妻投井死十一日至宣府監視內臣杜勳總兵王承引開門降賊巡撫朱之馮死之十二日至昌平

監視內臣申之秀率衆開門降杜勳隨之至京十六日守城內監曹化淳王德化等絕軌而上飲於樓十八日外城陷十九日門開賊入我眉縣志張獻忠庸施人少爲捕役性兇酷會苗美王嘉引作亂往從之臨戰先登衆服其勇從者數十百人號八大王敗於明兵勢窮走總督熊文燦召之時朝廷方主撫議授以副將獻忠僞降藉據數城招誘亡命勢復振起尋叛入房竹山中輔臣楊嗣昌督師擒討大將左良玉圍擊獻忠於瑪瑙山獻忠窘極夜率精銳數百突圍出時李自成高迎祥羅汝才賊號尚多同時並起獻忠因附羅汝才走襄陽投計殺襄王以逼嗣昌及襄王被殺嗣昌果自盡獻賊復殺劫湖南掠衆轉入四川所過城野盡屠及援兵稍集賊輒走楚滋蔓愈不可制甲申夏獻賊號數十萬由夔門水路直上巡撫陳士奇遣守備曾英以孤軍五百禦之於萬縣湖潭屢挫賊鋒舟不得上賊從間道襲英後英不能支賊遂長驅攻重慶屠焉殺秦瑞王及巡撫陳士奇太守王行儉縣令王錫等九月陷成都蜀王赴社壇井死巡按劉之勃巡撫龍文光總兵劉鎮藩成都推官劉士斗崇慶州知州王勵精監紀方堯相華陽知縣沈雲祚蒲江知縣朱蘊鑑榮縣秦民湯雙流知縣李甲等死之獻忠始僭稱號安官置守令郡縣催鄉紳學校進城日按問查點不到連坐比鄰親戚專以斫人肢體斃人面目爲事成都百里外裹銀自挺皆與賊爲難乙酉

春曾英以千餘衆敗賊都督張廣才於渝州廣才走死曾英兵聲大振川以東頗專制焉獻忠怒復檄各郡縣官各押解紳士入省盡戮於萬里橋分佈十里一塘暗撒路兵同日舉發行盡勦法搜溝索洞無男婦少長悉刃之人煙既絕復下令盡殺川人之新附營者於是棄成都移順慶屯營於金山鋪鳳凰山間皇清大兵至秦方欲再據川北以絕餉道會肅王已抵蜀境遣數百騎出其不意從小道直擣賊營獻忠倉皇出探猝中鏖死餘賊潰俱奔黔滇蜀因以平袁韜陝西沔縣人先是姚天動黃龍聚黨劫掠名曰姚黃崇禎庚辰年韜因姦婦事發逃投響馬賊馬潮呼九思等聚衆數千繼踵姚黃日事劫擄初無大志及獻賊大亂遂乘隙掠川之東北所到焚燬盡殺老幼掠精壯掘墓開墳生死無得免者蟻據遂州儀隴南部各地方數年烏合愈多分爲十二大隊時飢疫並行草木葉實皆盡賊以人爲食民靡遺種順治二年巡撫李國英大敗袁馬諸賊於遂寧之曠盧壩賊衆困餒四潰馬潮呼九思走死袁韜以殘賊數十奔川南歸楊展展遇之頗厚尋殺展據其地後投獻賊餘黨於黔敗投誠死明末甲申獻忠破成都僭僞號大順縣主簿蕭某倡邑人投降賊因設僞官胡鑾知峨眉事峨邊平彝三堡土兵率歸化八里及峨山萬年等居民抗之各自稱總兵遊擊都司等官各目入據縣城殺賊黨類埋地方豪惡獻忠怒發僞總

兵歐陽柄等統賊眾抵縣北紙錢街與土兵迎殺尸填溝壑土兵敗奔各山賊兵勦洗數日始封刀招撫東北關外悉賊營百姓或歸城或竄鄉居時科役繁苛有里兵皇兵各色按丁糧簽派皇兵出師里兵城守至乙酉四月土兵自高橋出突至丫寶樓與賊兵接殺賊兵大敗困賊城中半月適夾江援賊兵至圍方解然此時賊守城內城西南北十里外皆土兵互相攻伐無虛日兼值時疫大行死者無算凡賊兵出城攻殺必獻所斫割人手鼻以爲功積多如山至十一月獻忠調柄等回成都雷爲守備及門官生員等在縣拒守然土兵來惟堅壁而已十二月誑調生員應試至則盡殺之於省城南門外復調其家屬方起解幸及丙戌年元日土兵攻破縣城得免獻忠復大發兵來土兵懼將城內外民居並所儲糧糗悉焚燬仍奔山中斯時遺黎湯火交迫幸僞夾江令王某忿獻忠殺戮因背之率夾民九黨拒之江岸賊兵去峨眉始得稍安賊退恨眉州川西不附已無老穉男女悉搜殺之焚成都宮殿及村市廬舍悉無餘畱遂棄成都奔川北會我

朝大兵進勦射死獻忠於西充餘黨熾平是年四月嘉定武進士楊展自稱明將由敘州統兵入嘉定委彭某令峨眉值峨當連年兵燹即間有殘黎牛種斷絕四望非蒿萊即赤土矣幸秋間地有自生之穀俗謂之隔穀蓋謂隔年遺子所滋生也有田者尚賴以免溝壑至丁亥年米貴

如珠猪雞等物大者至百金小者亦數十兩餓死者日以千計惟芹菜棕心樹葉蕨根採食者尚可延旦夕強者食人肉虎入城食人又加以時災足歷生瘡名馬蹄瘟病此者多死至戊子春始有至洪雅山箐中購得穀種者偷工耕種然惟有力者能之其赤貧者仍不免於菜色是歲姚黃黨賊袁韜武大定自川北來展以韜駐犍爲以大定駐青神結爲兄弟後袁武賺展至犍爲殺之展子大相舉兵攻袁武報父讎自七月至己丑年正月互相殘殺大相勢敗奔川北投

本朝歸順地方暫息戰爭自此歷庚寅至辛卯袁武將州縣居民田產分據爲己莊即立土人爲官管理有司事民畏之爭少戢然無他志惟縱兵括民財圖民妻女而已民家有夫死者即強入贅以有其家室民貴民食能保存者鮮矣時張獻忠餘黨孫可望李定國劉文秀奉永曆年號辛卯十月劉文秀自建昌入蜀兵逼袁武袁武勢弱焚燬州縣官廳民居奔川東文秀遂據嘉定號招附近州縣以申樊生爲峨眉知縣至壬子年夏四月

本朝李撫軍同吳三桂自保寧統師入成都取川南文秀潰奔重慶李吳進駐嘉定分取叙瀘等處時我

朝順治九年也民剃髮從此始至七月文秀自川東整兵復取川南吳李退保寧適遇巡按御史黑某以兵濟之遂奮勇殺敵文秀又敗奔重慶

是時川南地方非屬賊境即爲土人羅應林所掠應林者李撫軍轅門將官也乘

本朝大兵與文秀相攻擊勝負未分遂糾峨邊土官廖彥楊四將文秀所設樊縣令及住鎮糧糧官劫入中鎮兵馬往來蹂躪縣中居民日無寧刻至十一月文秀復整兵至嘉定勦取應林應林掠民間子牛隻燬民廬舍逃川北民被慘無殊袁武時也自此文秀駐嘉定分防成都孫可望貴州開科取士六七年間民情方未定時復有妖氣流行人呼爲抹臉賊謂伺人不覺中刺別人面也百姓驚懼夜不敢寐數家夜聚互相守望數月乃止是歲爲永曆十三年己亥即我

本朝順治十六年也大兵取雲南撫院修駐成都將官賈某李某取嘉定文秀敗南竄患始息時雅州僞守備武某又突入峨眉蹂躪月餘會將軍楊某至清龍場要武同趨嘉定投降降此二刺髮也

順治十七年庚子雅州賊黨郝承裔降而復叛提督鄭總督李分兵進勦期年方殄次年姚黃十三家川東作亂總督李提師進勦亦期年方殄兩次水陸運糧民力竭盡自是歷壬寅以至癸丑十數年間王化漸被生聚漸繁農得以耕士得以讀始欣欣向治矣明年甲寅即康熙十三年忽雲南吳三桂反發僞將軍王屏藩由建昌入蜀竊據漢中時兵馬蹂躪雖未入邑境而烽烟警迫民情疑懼地家奔竄者無算

至

康熙十九年庚申正月勇略將軍趙恢復全川復招撫殘黎歸業此三剃髮也七日內吳賊餘孽不殄在建昌馬湖兩處作亂十一月總兵瞿某鄭某統兵自建昌由彝地退駐縣城十二月勇略將軍領大兵欲從太平墩進征建昌後因彝路險阻至太平墩復回縣由嘉定路進發兵馬往來駐扎多日糧餉悉取給於縣立迫湊支自庚申十一月至辛酉四月建昌叙瀘成都幾處兵餉夫役悉於縣民僉派民不堪苦逃亡者十室而七至

康熙二十二年奉有招徠勸懇之令雖邑民凋敝已極瘡痍難于遽復然自此得享無事之福而生聚日以繁矣

欽定古今圖書集成經濟彙編祥刑典

第一百十四卷目錄

盜賊部總論一

春秋左傳 襄公二十有一年

大學衍義補 過盜之機

祥刑典第一百十四卷

盜賊部總論一

春秋左傳

襄公二十有一年

邾庶其以漆閭丘來奔季武子以公姑姊妻之皆有賜於其從者於是魯多盜季孫謂臧武仲曰子孟詵盜武仲曰不可詰也紇又不能季孫曰我有四封而詰其盜何故不可子爲司寇將盜是務去若之何不能武仲曰子召外盜而大禮焉何以止吾盜子爲正卿而來外盜使紇去之將何以能庶其竊邑於邾以來子以姬氏妻之而與之邑其從者皆有賜焉若大盜禮焉以君之姑姊與其大邑其次早牧與馬其小者衣裳劍帶是賞盜也賞而去之其或難焉紇也聞之在上位者洒濯其心壹以待人軌度其信可明徵也而後可以治人夫上之所爲民之歸也上所不爲而民或爲之是以加刑罰焉而莫敢不懲若上之所爲而民亦爲之乃其所也又可禁乎夏書曰念茲在茲釋茲在茲名言茲在茲允出茲在茲惟帝念功將

謂由己壹也信由己壹而後功可念也庶其非卿也以地來雖賤必書重地也

大學衍義補

過盜之機

周禮士師之職掌鄉合州黨族閭比之聯與其民人之什伍使之相安相受以比追胥之事以施刑罰慶賞

臣按先儒謂聯比其居什伍其人鄉官之事也而士師掌之比追逐胥伺盜賊之事可見成周盛時雖稱極治而聖人爲民防患之心無所不及故鄉各有司司而士師又合而治之以比合比以閭合閭以聯其居以伍合伍以什合什以聯其人所以然者使之相安有不安者必其人非聯比閭者矣使其相受有不受者必其人非比什伍者矣於是即其相安相受之同什伍者比而合之以搏盜賊晝則追逐之夜則胥伺之廢事者則士師施之以刑罰有功者則士師施之以慶賞後世千里巷設爲火鋪更夫使之互相覺察以防盜賊其原蓋兆於此

士師掌士之八成一曰邦治二曰邦賊三曰邦諜四曰犯邦令五曰撓邦令六曰爲邦盜七曰爲邦朋八曰爲邦誣

臣按八者而謂之成成者國法之成事品式也朝廷爲此八者之成事品式以禁制夫臣民其事皆謂之邦者以見此乃國家之大事所以係安危治亂者非但鄉黨州閭之事也八者之中邦治邦諜是交通外國之事犯邦令撓邦令是干犯王法之事邦

盜不過竊取國貨而已其間最是爲邦朋者聚黨以亂民爲邦誣者詭言以惑衆爲邦賊者構逆以稱亂三者乃國家之大惡生靈之禍本有天下國家者所當預懲宿戒者也先王立八成之法使士師掌之而制治於未亂保邦於未危所以杜其幾微遏其萌蘖者豈不豫哉

司厲掌盜賊之任器貨賄辨其物皆有數量賈而揭之入于司兵

臣按司厲一官專主追徵賊贓

野廬氏掌達國道路至於四畿比國郊及野之道路宿息井樹若有賓客則令守涂地之人聚棧之有相翔者誅之

臣按周禮遺人凡國野之道十里有廬廬有飲食三十里有宿宿有路室路室有委五十里有候館候館有積所以待賓客師役使命之往來既已掌於地官矣而秋官之野廬氏又職往來按比而肅其守衛焉由是觀之可見古昔盛時所以防盜者無所不至非但以安行旅之往來寔所以示國威之嚴肅也昔周定王使單襄公聘於宋假道於陳以聘楚道弗可行而知陳之不能守其國矧惟堂堂乎大朝威名遠警於萬里之外九夷八蠻無不歸仰顧於畿甸之間國門之外盜賊時時竊發公行以劫掠行旅斯聲也豈可聞於遐外乎當道者以此爲小事故不以聞蓋不知周官設野廬氏之意單襄公議陳人之語也臣請嚴勤捕盜之官都城之外五百里內有盜賊劫掠者其應捕及統督者不獲盜皆革其冠服俾以必獲爲期三月之

外除其名然京師地大而人衆俗雜五方難於辨識與其督責於其後孰若豫備於其先請於都城之外分爲數路每路約量遠近立一望樓每樓於常操軍撥馬軍十名步軍十五名五日一番輪守樓上置鼓一白旗一烽火一遇有盜賊樓上軍即搥鼓舉烟以白旗指其所往之方樓下軍具器械逐之必抵其所至如此不必嚴刑督責而盜自無矣若夫冬月河冰之後於都城外設東西二營委軍官一員督領馬軍各一二百名有大車運載者許其豫投辭告知會集衆車必五車然後偕行每車差馬軍三名護送其軍人芻料之具就俾僦車者給之仍先行合經由軍衛如自良鄉至涿州涿州至河間河間至德州臨清濟寧以至於徐州此數處該班官軍十月以後暫免赴操俾委官督領馬軍以次遞送至交換處遇有回車仍令順護以回如此則道途無壅塞之患商宦無畏途之憂四方之人經歷艱險至於近郊舉首仰望九重宮殿於紅雲紫霧之中卽有登仙之樂矣

司寤氏掌夜時以星分夜以詔夜士夜禁禦晨行者禁宵行者夜遊者

臣按此所謂夜禁也今制一更三點禁人行五更三點放人行卽此意

修閭氏掌比國中宿互樣者與其國弼而比其追胥者而賞罰之禁徑踰者與以兵革趨行者與馳騁於國中者邦有故則令守其閭互唯執節者不錢

臣按成周之世所以防姦盜者畿內則有野廬氏城內則有修閭氏是以都城內外姦無所容閭里

之間斬然以齊門巷之列肅然以寧雖有不逞之姦無由而起猝遇非常之變有以制服之而不至於猖肆也修閭氏掌比國中宿互樣者國中王城之中也比什伍宿衛於王城之中以爲追逐伺之備各於閭巷之間設爲互以斷行卽今鹿角之類設爲樣以傳更卽今木柝之屬夜行有禁則入息者不趨於晦冥之時更漏分明則向晦者皆知夫早晚之候蓋寇盜之興皆於夜靜人息之時而官府特於閭巷之間存此數輩俾其不寐以爲姦盜之防此古昔盛時非獨海宇之內無有大姦大寇而於閭里門巷之中雖牕穴牖之小盜亦無有也嗚呼天下之事何者而不起於微小哉惟其絕之於微小所以不使其延蔓滋長而至於大且著也國初於南京設爲四十八衛每衛各有營管兩際各爲門本衛官軍就居其中遇有警急起集爲易又於五城各設兵馬司設立弓手專以巡徽京城內外卽周官修閭氏之職也又於各坊里巷立爲火鋪支更守夜其與修閭氏所謂互樣追胥者無以異焉蓋衛所有定居則呼召之軍易集巡徽有攸司則追胥之責有歸祖宗思患豫防之意深矣惟今京師蓋襲勝國之舊街坊里巷參錯不齊而衛所散處而士卒之名隸尺籍者聚散無常甚者野處在數十里之外幸而承平無事一旦不幸而有意外之變出於倉猝之間急欲有所召集豈不難哉臣愚欲於無事之先而豫爲有事之備請復祖宗南京舊制雖然時異勢殊當守成之後而爲創始之謀誠未易也無已請用祖宗之意

以爲今日之備可乎夫南京之衛四十八今京衛七十有餘其衛署隨處散置中亦有未置署者且其軍士雖係籍衛中食糧至其操練以待調發則分在各營必欲使每衛各爲一處聯比其居決有不能者今各籍在衛所隊伍在將領而其所居之地方則各屬兵馬司也今京城地大人衆聚四海之人雜五方之俗承平日久人煙衆盛姦宄實繁一城之大僅設五司官僚十數員兵卒百十輩而京城內外不下百十萬人家力有所不周勢有所不及臣請每城量地廣狹遠近添設行兵馬司數處每處添設副指揮一員居守其司署相去以鼓相聞爲限司前用四木建鼓樓一所添兵置鼓以支更每更擊鼓而火鋪則擊柝以相應由近及遠不許雜亂又於該轄地方除官民及匠外凡係見操官軍在地方住者不分貧富及上班者皆俾報名附冊就於本坊見居軍官中推舉其管操者一員官最高者或侯伯或都督都指揮無則把總指揮爲衆信服者奏聞以爲地方總領每季一造冊冊成各爲三一留本司一送兵部一送總領官每季行兵馬司率領本坊見居官軍起赴總領官私居參見每年四見此外不許擅自起倩舊例每兵馬司歲委御史一員督察今既多立分司宜隨地方廣狹添差分管遇有徵急兵部下兵馬司行御史督該司起集該方官軍赴總領處聽用如此則倉卒事起有備無患雖非祖宗設立軍營初制然於其間處置得宜運用有方則亦其遺意之彷彿也又京城內外自來街坊因襲前代舊名俚俗不